



*Selasa , 29 Desember 2020*

**Ogen**

:

Masmur

55:2-17



**Teman Ngalaken Perbeben**



Segedang gedang geluhku itemani penebus, labo kai pe lit si kurang adi tanNa negu trus, dame surga lit bas aku iusekenNa bangku, kegeluhen jadi senang kai pe la lit si kurang, kegeluhen jadi senang kai pe la lit si kurang. Enda me syair lagu KEE no. 181:1. Ende-nden enda jadi pergegeh man banta tupung lit perbeben i bas kegeluhen. Segedang geluhta tan Tuhan sinegu, sinjayam kegeluhenta maka ngasup kita ndalanisa . Banci kataken i bas perdalinen geluhta mawen-mawen nggo banci cerita film i bas ngalaken perbeben e lenga dung perbeben si sada nari enggo ka reh perbeben si debanna. Radu ras kerina perbebe e nderpa kegeluhenta arah japa nari pe reh, subuk pinakit, ekonomi, anak la bagi ukur, jabu la sempabu, perbulangen ras anak-anak la jadi teman. Apai denga ka rehna covid 19 enda pe la terjeng jadi kebiaren tapi erdampak kerina i bas perekonomian, la lit la terpuruk pereconomia kai pe pendahinta, si ku juma ku rumah pe pe erga binaga murah, cuaca pe megati la mendukung, erbinaga pe la ka lako erkiteken mbiar kalak ku tiga. Pinakit pe jadi kebiaren man banta erkiteken mbatuk ras flu pe kita mekisat kalak ndeher ras kita. Opname pe kita i Rumah sakit nggo kurang kalak reh ndahi kita. Lit kalak mate pe nggo mbiar kita reh ndahisa. Si enda kerina jadi kebiaren adi siukuri banci ka tangkel pinakit bas geluhta. Elakken la terelakken kita emaka arus nge kita ngasup ngalakensa. Adi bage ise temanta i bas ngalaken perbebenta e? Adi kita si sada la kita ngasup ngalakensa. Emaka tetaplah kita ras Tuhan. Sabab situhuna kita enda rapuh apai denga ka adi la ras Tuhan. Jadi, ula pernah kita ndauh ras Tuhan , bicara uga gia sekali perbebenta tetaplah kita nggeluh i bas Tuhan.

Daud pe tupung ia ngalaken perbeben si mberat mindo gegeh ia man Tuhan arah pertoton: O Tuhan begiklenlah pertotonku, ola tundalkenNdu pemindonku, dengkehken dengen aloi min aku, latih kuakap perbahan kesusahenku, tupung musuh reh ngerimrim turah kebiaren, susah geluhna ilawan musuh, kai sisangana ialakenna erbahansa nggirgir erkiteke ibunuh musuhna atena ia. La lit iakap Daud si ngasup nampati ia seakatan Tuhan. Si engkawali ia i bas ancamen musuhna nari emaka man Tuhan ngenca ia erpengendes.

*Bahanlah Tuhan jadi gegehtha guna ngalaken perbeben si mberat*



Blank writing area with a wavy top edge.